



REPUBLIKA E SHQIPËRISË  
KËSHILLI I MINISTRAVE  
KËSHILLI KOMBËTAR I TERRITORIT

**VENDIM**

**Nr. 6, datë 16.10.2017**

**PËR**  
**MIRATIMIN E PLANIT TË PËRGJITHSHËM VENDOR,**  
**BASHKIA LEZHË**

Në mbështetje të neneve 7, 20 dhe 25 të Ligjit Nr. 107/2014, datë 31.07.2014 “Për Planifikimin dhe Zhvillimin e Territorit”, i ndryshuar, të Vendimit Nr. 671, datë 29.07.2015 të Këshillit të Ministrave, “Për miratimin e Rregullores së Planifikimit të Territorit”, si dhe të Vendimit Nr. 519, datë 20.09.2017 të Këshillit të Ministrave “Për përcaktimin e përbërjes së Këshillit Kombëtar të Territorit”, me propozimin e Bashkisë Lezhë, si dhe referuar Vendimit të Këshillit Bashkiak Nr. 194, datë 25.09.2017, Këshilli Kombëtar i Territorit,

**VENDOSI:**

1. Miratimin e Planit të Përgjithshëm Vendor, Bashkia Lezhë, pjesë e të cilit janë dokumentet e mëposhtme:
  - a) Strategjia Territoriale, shoqëruar me përmbledhjen e Analizës dhe Vlerësimit të Territorit;
  - b) Plani i Zhvillimit të Territorit, shoqëruar me Shtojcën I, sipas përcaktimeve të Rregullores së Planifikimit;
  - c) Rregullorja e Planit;
  - d) Vlerësimi Strategjik Mjedisor;
  - e) Materiali hartografik:
    - i. Vizioni strategjik;
    - ii. Ndarja e territorit në 5 sisteme;
    - iii. Ndarja e territorit në njësi;
    - iv. Përdorimi i propozuar i tokës sipas 14 kategorive bazë;
    - v. Infrastruktura e transportit;
    - vi. Fazat e zbatimit të PPV-së.

2. Në Zonat e Rëndësisë Kombëtare brenda territorit administrativ të Bashkisë Lezhë, shpallur si të tilla nga Plani i Përgjithshëm Kombëtar i Territorit apo me vendime të veçanta, autoriteti përgjegjës për miratimin e Planeve të Detajuara është Këshilli Kombëtar i Territorit.

3. Në Zonat e përcaktuara si të Rëndësisë Kombëtare dhe për Objektet e Rëndësisë Kombëtare, përfshirë edhe ato që ngrihen në pronat shtetërore të patransferuara te njësitë e qeverisjes vendore, autoriteti përgjegjës për miratimin e Lejeve të Zhvillimit dhe Ndërtimit, është Këshilli Kombëtar i Territorit.

4. Gjatë hartimit të Planeve të Detajuara Vendore, projekteve strategjike, projekteve pilot të zhvillimit, si dhe çdo projekti tjetër për zhvillimin e territorit, Bashkia Lezhë duhet të bazohet në kuadrin referues të detyrueshëm të përcaktuar nga legjislacioni në fuqi dhe nga Plani i Përgjithshëm Vendor.

5. Ngarkohet Bashkia Lezhë për zbatimin e Planit të Përgjithshëm Vendor, si dhe për bashkërendimin e punës në zbatim të këtij plani me AKPT-në, Ministrinë përgjegjëse dhe të gjitha autoritetet e tjera shtetërore, sipas fushave të përgjegjësisë.

6. Me hyrjen në fuqi të këtij Vendimi, shfuqizohen studimet urbanistike/dokumentet e planifikimit të miratuara më parë nga KRRTRSH/KKT për territorin administrativ të Bashkisë Lezhë, përfshirë, por pa u kufizuar në to, si më poshtë:

- Vendim Nr. 11, datë 01.09.1993 i KRRTRSH-së, “Për zgjerimin e vijës kufizuese të qytetit të Lezhës”;
- Vendim Nr. 13, datë 18.06.2003 i KRRTRSH-së, “Për detyren e projektimit për studimin urbanistik të qendrës së qytetit të Lezhës dhe vijën kufizuese të kësaj qendre”;
- Vendim Nr. 1, datë 15.03.2005 i KRRTRSH-së, “Për miratimin e studimit urbanistik të qendrës së qytetit të Lezhës”;
- Vendim Nr. 7, datë 07.05.2005 i KRRTRSH-së, “Për miratimin e Rregullores për zbatimin e studimit urbanistik të qendrës së qytetit të Lezhës”;
- Vendim Nr. 3, datë 12.06.1999 i KRRTRSH-së “Për planin e përgjithshëm rregullues të qytetit Shëngjin”;
- Vendim Nr. 38, datë 10.05.2013 i KKT-së “Instrumentet e përgjithshme vendore, komuna Shëngjin”.

7. Planet e detajuara vendore dhe lejet e ndërtimit të miratuara në zbatim të dokumenteve të planifikimit të mëparshme, të cilave nuk u ka mbaruar afati i zbatimit, mbeten në fuqi.

8. Ky Vendim hyn në fuqi menjëherë.



MINISTËR I LINJËS  
MINISTËR I INFRASTRUKTURËS DHE ENERGJISË  
DAMIAN GJIKNURI



ANËTAR / SEKRETAR I KKT  
DREJTOR I AGENCISË SË ZHVILLIMIT TË TERRITORIT  
LEDIATOTA

